

«Respect da l'uffizi, ma era dal lieu da lavur»

Jon Domenic Parolini davart il cumenzament sco regent

DA FLURIN ANDRY / ANR

■ **Dapi Bumaun è confruntà Jon Domenic Parolini cun da tutta sorts dumondas politicas che concernan ses departement. Co ha el resenti l'emprim temp sco cusseglier guvernativ?** «Ina grond'impressiun m'ha fatg al cumenzament mes nov lieu da lavur en questa Chasa grischcha», di Jon Domenic Parolini che maina dapi l'entschatta da l'onn il departement d'economia publica e fatgs socials, «questa chasa che appartegneva als de Salis da Soglio è ina chasa plain istorgia.» Ch'i saja in bel sentiment d'entrar en chasa en dal corridor cun salaschada, vegnir si da stgala cun stuas ed entrar en biro cun stuccatura e parchet, cuntinuescha'l, «igl è ina chasa ch'ins ha respect da vegnir a lavurar là.»

«Gi da's disar a mia nova funcziun»

L'emprima giada en acziun sco cusseglier guvernativ è Jon Domenic Parolini vegnì a l'aperitiv da Bumaun da Grischun Vacanzas a Cuira, nua ch'el ha salidà ils preschents en num da la regenza: «Quai è stada in'experientscha tut speciala.» En memoria al vegn a restar era l'emprima sesiada cun la regenza durant la segund'emna

In maletg è anc da tscherner

La paraid davos la scrivania dal cusseglier guvernativ vegn embellida cun in maletg da Giovanni Giacometti (1868-1933) che mussa ina cuntrada d'atun en ils conturns da Malögia. «Igl è per mai in'onur da pudair avair ad emprest en mes biro in maletg da Giovanni Giacometti», di Parolini. Tge ulteriura ovra ch'el vegn a pender si en biro nun ha'l anc decis, «fora insatge in zic pli modern.» Ch'el lavuria gudent en quest biro en la Chasa grischcha, constata il cusseglier guvernativ, «da stuair bandunar forsa biro e chasa per lavurar en avegnir en l'edifizi da la Sinergia ma displaschess propi.»



L'emprima giada en acziun sco cusseglier guvernativ è Jon Domenic Parolini vegnì a l'aperitiv da Bumaun da Grischun Vacanzas a Cuira.

FOTO Y. BÜRKL

da schaner, «en la bella sala da sesidas da la regenza.» Ch'el haja gi da's disar a sia nova rolla sco regent, menziuna'l e di ch'i saja insatge auter d'esser schef d'in departement cun 520 collavuratur en otg differents uffizis che dad esser president communal da Scuol: «Era sche quella vischianza ha in bel dumber da persunal è la lavur gia mo en quai ch'i riguarda la grandezza e la complexità dal departement insatge tut auter, che fa respect.» Cun ils schefs da quests otg uffizis sa chatta el regularmain, per discutir cun mintgin d'els tge ch'en ils temas actuals, ils problems e la strategia futura. Ch'el survegnia uschia ina blerira d'infurmaziuns da tut quai ch'è anc pendent ed era in'invista en las activitads e tematicas da mintg'uffizi, di el, «pass per pass èsi uss da vegnir ad enconuscher ils differents dossiers.» Quest grond volumen d'infurmaziuns è er stada per el in'experientscha tut particulara.

«Sa laschar distgargiar d'ina part da la lavur»

Quai che Parolini ha era gi d'emprender è da betg emblidar ch'el ha collavuratur che al distgargian: Dad ina vart èn quai la secretaria d'uffizi *Sandra Felix* e ses collega *Bruno Maranta*, tar dumondas da planisaziun ha el il sustegn da *Carlo Decurtins* e per coordinar tut ils termins la secretaria dal departement *Renata Dominioni*. «D'avair partenaris che preparan tut ils dossiers che entran, quai è per mai insatge nov», di il cusseglier guvernativ, «ins sto l'emprim emprender a surlaschar quella lavur e da discutir suenter las propostas che quel u l'auter d'els ma fan per pudair a la fin trair ina decisiun.»

Gia durant la segund'emna da schaner ha Jon Domenic Parolini visità a Cuira ils differents uffizis da ses departement. «Jau vuleva emprender ad enco-

nuscher, u almain solidar, a la gronda part dals collavuratur», di el. Uss vulesc il cusseglier guvernativ visitar las collavuraturas e collavuratur ch'èn activs en las regiuns, p.ex. ils cussegliaders purils, ils lavurants socials ed ils employads dals posts regiunals per l'intermediaziun da lavur. Ch'el vulesc vegnir ad udir d'els co che las situaziuns specificas sa preschentan e quals problems ch'i dettia en las singulas regiuns.

Sco quai che Parolini punctuescha èsi a ses avis fitg impurtant ch'i dettia da quels posts da lavur decentral e na tut be a Cuira: «Qua sun jau natiralmain in che vul dar grond pais da mantegnair era las purschidas decentralas.» Ch'el sappia sco anteriur capo da Scuol tge ch'els singuls servetschs e las plazzas da lavur signifitgian per las regiuns a la periferia, punctuescha cusseglier guvernativ Parolini.